



Broj: 02-40-582/14
Fojnica, 07.05.2014. godine

Na osnovu člana 14. Statuta Općine Fojnica („Službene novine Općine Fojnica, broj 4/08), Općina Fojnica raspisuje

JAVNI POZIV
za raspodjelu sredstava za sufinansiranje udruženja
proisteklih iz rata i nevladinih organizacija na
području Općine Fojnica za 2014. godinu

I

Pravo na dodjelu sredstava iz ovog programa imaju udruženja proistekla iz rata i nevladine organizacije na području Općine Fojnica. Uz Zahtjev se navode ciljevi i namjena za koju se traže sredstva, kao i obrazloženje u čemu se sastoji doprinos navedenih udruženja ukupnom razvoju Općine Fojnica.

II

Sva udruženja, koja imaju namjeru aplicirati za dodjelu sredstava, potrebno je da ispunjavaju slijedeće uslove:

- da je nosilac projekta, odnosno podnosilac aplikacije, organiziran u skladu sa pozitivnim zakonskim propisima,
- da ima sjedište na području Općine Fojnica,
- da je zahtjev podnio Upravni odbor ili Predsjedništvo udruženja,
- da ima obezbjeđene tehničke uvjete za realizaciju programskih aktivnosti,
- da ima dokazanu sposobnost za realiziranje aktivnosti,
- da ima usvojen Program rada za tekuću godinu,
- da ima Finansijski plan za tekuću godinu,
- da ima finansijski izvještaj za prethodnu godinu, sa Bilansom stanja i Bilansom uspjeha, ovjerenim od AFIP-a do 28. februara tekuće godine,
- da je ispoljena racionalnost u korištenju ranije dodijeljenih sredstava i da su budžetska sredstva uredno i na vrijeme pravdana.

III

Prijava treba sadržavati:

- popunjen prijavni obrazac,
- rješenje o registraciji (ovjereni kopija),
- uvjerenje o poreznoj registraciji (ovjereni kopija),
- uvjerenje o izmirenim poreskim obavezama,
- transakcijski račun (ovjereni kopija ugovora s bankom ili potvrda banke),

- program ili projekat kojim udruženje aplicira za dodjelu sredstava, sa posebno razrađenim oblastima: naziv programa/projekta, programski ciljevi, ciljne grupe, broj učesnika, očekivani direktni i krajnji rezultati, konkretne aktivnosti programa koje će biti poduzete, ukupni troškovi realizacije programa/projekta i izvori finansiranja, vremenski plan provođenja aktivnosti, način informiranja javnosti o aktivnostima realizacije programa/projekta,
- bilans stanja i Bilans uspjeha za proteklu godinu, ovjeren od AFIP-a do 28. februara tekuće godine (ovjerena kopija),
- tekstualni i finansijski izvještaj za udruženja koja su dobila finansijsku podršku iz Budžeta Općine Fojnica u prethodnoj godini,

IV

Kriteriji za ocjenjivanje:

- značaj programskih aktivnosti za koje se traže sredstva,
- značaj institucije i dati doprinos u dosadašnjem radu,
- dosadašnja podrška entitetskih i drugih ministarstava,
- do sada dobijene nagrade i priznanja u BiH,
- interes javnosti za program rada.

V

Uputstvo za aplikante i prijava programa/projekta za finansiranje ili sufinansiranje sredstvima iz budžeta Općine Fojnica, bit će objavljeni na web stranici Općine Fojnica i dostupni na info-punktu Općine Fojnica.

Prijave sa dokumentacijom podnose se Službi za društvene djelatnosti i stambeno-komunalne poslove Općine Fojnica, s naznakom: „Komisija za društvene djelatnosti – Prijava na javni poziv za sufinansiranje projekata udruženja i nevladinih organizacija za 2014. godinu – NE OTVARAJ“, Bosanska 94, 71270 Fojnica, lično ili poštom.

VI

Javni poziv ostaje otvoren 15 dana od dana objavljivanja na oglasnoj ploči i zvaničnoj web stranici Općine Fojnica.

OPĆINSKI NAČELNIK

Salkan Merdžanić, dipl.ing.šum.